

ЗЕЙНЕТАҚЫ ҚОРЫ:

Салымшылар сауалдарына жауап



1) Облыста қанша салымшы бар және қанша өтініштер қабылданды?

Республика бойынша 2023 жылы 1 қаңтардағы мәлімет бойынша, салымшылардың (алушылардың) зейнетақы жинақтары 14,7 трлн. теңгені құрады және зейнетақы шоттарының саны 12,1 млн. бірлікке жетті.

Атырау облысы бойынша, салымшылардың (алушылардың) зейнетақы жинақтары – 743 млрд. теңгені құраса, жеке зейнетақы шоттарының саны – 426 мың бірлік, оның ішінде:

- міндетті зейнетақы жарналары (МЗЖ) шоттарының саны 384 мың бірлік болса салымшылардың (алушылардың) зейнетақы жинақтары 717 млрд. теңге;
- міндетті кәсіптік зейнетақы жарналары (МКЗЖ) шоттарының саны 28 мың бірлік – 25 млрд. теңге,
- ерікті зейнетақы жарналары (ЕЗЖ) шоттарының саны – 14 мың бірлік, 114 млн. теңгені құрады.

Сонымен қатар, 2022 жылы Атырау облысы бойынша 46 185 операция жасалды. Оның ішінде жинақталған зейнетақы қаражатын төлеуге қабылданған өтініштердің саны – 5191, оның ішінде:

- мұрагерлік бойынша – 3083,
- жерлеуге арналған біржолғы төлем – 1528,
- ҚР аумағынан тыс жерлерге тұрақты тұруға кетуге байланысты – 163,
- мүгедектік бойынша – 124,
- банктік деректемелерін өзгертуге байланысты – 73,
- ерікті зейнетақы жарналары есебінен – 19,
- сақтандыру ұйымдарына аударымдар – 198,
- инвестициялық портфельді басқару бойынша – 3.

Барып қызмет көрсету барысында 12 136 операция жүргізілді. Жинақтаушы зейнетақымен қамтамасыз ету және халықты ҚР жинақтаушы зейнетақы жүйесіне тарту бөлігінде халықтың

қаржылық-құқықтық сауаттылығын көтеру мақсатында 1 647 тұсаукесер өткізіліп, Мобильдік кеңсе техникасымен Атырау облысы бойынша 62 елді мекенге барып 8300 салымшыға қызмет көрсетті.

2) Зейнеткерлікке шыққанда зейнетақы қалай белгіленеді?

Қордан берілетін төлемдер Қазақстан Республикасы Үкіметінің 2013 жылғы 2 қазандағы №1042 қаулысымен бекітілген Әдістемеге сәйкес жүзеге асырылады.

Жасына байланысты зейнетақы және мемлекеттік базалық зейнетақы тағайындау, сондай-ақ, БЖЗҚ-дан міндетті зейнетақы жарналары және міндетті кәсіптік зейнетақы жарналары есебінен төлемдер алу үшін бірыңғай өтініш және құжаттар топтамасымен «Азаматтарға арналған үкімет» Мемлекеттік корпорациясының Халыққа қызмет көрсету орталығына ғана жүгіну қажет.

Алушыға сонымен қатар, мемлекеттік кепілдікті төлеу бойынша белсенді қызмет (егер ол қалыптасқан болса, инфляция деңгейін ескере отырып, нақты енгізілген жарналар сомасы мен зейнетақы жинақтарының сомасы арасындағы айырма) көрсетілетін болады. БЖЗҚ-дан алғашқы зейнетақы төлемі өтініш тіркелген күннен бастап он жұмыс күні ішінде немесе алушыда БЖЗҚ-дан зейнетақы төлемдеріне құқық туындаған күннен бастап он жұмыс күні ішінде жүзеге асырылатын болады. БЖЗҚ-дан берілетін одан кейінгі ай сайынғы төлемдер зейнетақы төлемдерінің белгіленген кестесіне сәйкес жүзеге асырылады.

Өтініш берілген күнгі зейнетақы жинақтарының сомасы тиісті қаржы жылына арналған республикалық бюджет туралы заңда белгіленген ең төменгі зейнетақының он екі еселенген мөлшерінен аспаған жағдайда, бұл сома алушыға БЖЗҚ-дан бір рет төленеді (2023 жылы - 636 912 теңге = 12 * 53

076).

Сондай-ақ зейнетақы шотындағы сома көп болса, онда ай сайынғы төлем былай есептеледі: жинақ сомасы 6,5% -ға көбейтіліп, 12-ге бөлінеді.

Егер кезекті ай сайынғы төлем жүзеге асырылғаннан кейін ЖЗШ-дағы зейнетақы жинақтарының қалдығы республикалық бюджет туралы заңда тиісті қаржы жылына белгіленген ең төменгі күнкөріс деңгейінің 54 пайызынан кем соманы құраған жағдайда, бұл қалдық кезекті төлем сомасымен бірге төленеді.

Жекелеген санаттардағы алушылар үшін: мерзімсіз белгіленген 1 немесе 2 топтағы мүгедектігі бар адамдар, сондай-ақ зиянды және қауіпті өндірістерде жұмыс істеген, жинақтары жиынтығында кемінде алпыс ай міндетті кәсіптік зейнетақы жарналары есебінен қалыптастырылған адамдар үшін ай сайынғы зейнетақы төлемінің мөлшерін арттыратын түзету коэффициенттері қарастырылған.

БЖЗҚ-дан зейнетақы төлемдерін алу үшін бірінші және екінші топтағы мүгедектік мерзімсіз уақытқа белгіленген адамдарға тікелей кенсеге немесе сайттағы «Электрондық қызметтер» бөлімі арқылы Қорға жүгіну керек.

Зейнетақы төлемдерін алуға қажетті құжаттар тізімі БЖЗҚ сайтында егжей-тегжейлі көрсетілген.

3) 2023 жылдың негізгі өзгерістері қандай?

2023 жылдың 1 қаңтарынан бастап Қазақстанда арнайы салық режимі бойынша жұмыс істейтін салық агенттері үшін бірыңғай төлем енгізілді. Бұл төлем тәртібі әлдеқайда жеңілдетілетіні білдіреді.

Егер бұрын жұмыс беруші қызметкер табысынан төленетін төлемнің бірнеше түрін бөлек жасаса, енді бір реттік төлемге: жеке табыс салығы, міндетті зейнетақы жарналары, әлеуметтік аударымдар және медициналық сақтандыру жарналары кіреді.

Сондай-ақ, жыл басынан бері базалық зейнетақының ең төменгі мөлшері ұлғайтылып, қазір ол 24 341 теңгені құрайды. Яғни былтырғы сомадан 4 150 теңгеге артық.

Сонымен қатар, БЖЗҚ төленетін төлемдер көлемі де 5%-ға өсті. Нәтижесінде жыл басынан бері қазақстандықтардың зейнетақысының жалпы көлемі көбейді.

Ал биылғы жылдың басты жаңалығы: әйелдердің зейнет жасы 2028 жылға дейін көтерілмейді және 61 жас деңгейінде қалады.

4) Зейнеткерлер жинағының

жартысын ала ала ма?

Әлеуметтік желілерде және басқа да ақпарат көздерінде таратылып жүрген зейнеткерлердің зейнетақы жинақтарының 50% алуға болатыны туралы ақпарат шындыққа жанаспайды. Сондықтан БЖЗҚ жалған хабарламаларды елемеге кеңес береді.

Қазақстан Республикасының заңнамасына сәйкес, зейнеткерлер зейнетақы жинақтарының бір бөлігін тұрғын үй жағдайларын жақсарту және емделуге ақы төлеу мақсатында зейнетақы мөлшері орташа айлық табысының 40% төмен емес деңгейде алмастыру коэффициентін қамтамасыз ететін болса пайдалана алады. Бұл ретте біржолғы зейнетақы төлемі салымшының (алушының) МЗЖ және МКЗЖ есебінен қалыптасқан зейнетақы жинақтары мөлшерінің 50 пайызынан аспауға тиіс.

Қордың қызметтері туралы барлық ақпарат БЖЗҚ сайтында жарияланған, барлық қызметтер Қор бөлімшелерінде, eprf.kz сайты немесе БЖЗҚ ұялы қосымшасы арқылы онлайн-форматта көрсетіледі.

5) Биылғы жылы зейнетақы төлемдерін кесте бойынша алатын азаматтарға арналған жаңа онлайн қызметтер қандай?

eprf.kz сайтындағы салымшының/алушының Жеке кабинетіне БЖЗҚ-дан берілетін зейнетақы төлемдеріне қатысты жаңа қызмет енгізілді. Енді әрбір зейнетақы төлемдерін кесте бойынша алушыға жүзеге асырылған және алдағы кезеңге жоспарланатын зейнетақы төлемдерінің сомалары туралы ақпарат қолжетімді.

«Кесте бойынша зейнетақы төлемдерін алушыларға арналған ақпарат» бөлімінде сіз мыналар туралы біле аласыз:

- төлемдерге өтінішті қабылдау күні, төлем түрі, төлем жүзеге асырылатын зейнетақы жинақтарының түрлері, кесте бойынша төлемдер кезеңділігі.

Жеке кабинеттегі зейнетақы төлемдерінің сомасы Салық кодексінің талаптарында белгіленген салық салынғанға дейін көрсетілгенін ескеру қажет.

Сонымен қатар, әрбір алушының кесте бойынша төлем мөлшері дербес және зейнетақы жинақтарының сомасына байланысты болады. Басты беттегі «Қосымша ақпарат» қалқымалы хабарламасы бар батырманы басу арқылы міндетті зейнетақы жарналары, міндетті кәсіптік және ерікті зейнетақы жарналары бойынша төлемдерді есептеу әдістемесі туралы мәліметтер алуға болады.

Басты беттегі «Жеке зейнетақы шотындағы (шоттарындағы) қалдықтар мен ақша қозғалысы туралы мәліметтер» атты қалқымалы хабарлама қажетті кезеңдегі барлық жеке зейнетақы шоты бойынша үзінді көшірмені қалыптастыруға көмектеседі.

Төлемдер алуға өтініш болмаған немесе өтініш жабық болған жағдайда, зейнетақы төлемдерін кесте бойынша алушылар үшін ақпарат көрсетілмейді.

Зейнетақы қызметтерін цифрландыру – Қор қызметінің маңызды бағыттарының бірі. Оны дамыту мен жетілдіру жұмыстары тұрақты түрде жүргізілуде.

Жүзеге асырылған және алдағы кезеңге жоспарланатын зейнетақы төлемдерінің сомалары туралы ақпарат бойынша сервистің арқасында әрбір алушы зейнетақы жинақтары есебінен өз кірістерін және оларды алу кезеңін анық көре алады.

Айта кету керек, БЖЗҚ-дан берілетін зейнетақы төлемдері өтініш берілген күннен бастап белгіленеді және зейнетақы жинақтары таусылғанға дейін жүзеге асырылады.

БЖЗҚ-ның көшпелі қызмет көрсету бөлімдері де белсенді жұмыс істеуде, олар 78,4 мыңнан астам қызмет көрсетті, оның ішінде 13 мыңнан астамы халықтың әлеуметтік осал топтарынан шыққан адамдарға ұсынылды.

Ақпараттық-түсіндіру жұмысы шеңберінде 27,4 мың көшпелі презентация өткізілді, оның барысында 600 мыңға жуық адам жалпы жинақтаушы зейнетақы жүйесі туралы ақпарат және жеке консультациялар алды.

БЖЗҚ консультациялық қызметтердің сапасына ерекше көңіл бөледі.

Хабарландыру

«Тексол Транс» ЖШС «2023-2032 жылдарға арналған «Тексол Транс» ЖШС үшін қоршаған ортаға ластаушы заттардың жол берілетін шығарындылары нормативтерінің жобасы. (Түзету)» жұмыс жобасы бойынша қоғамдық тыңдау өткізілетіні туралы хабарлайды.

Жоба бастамашысы: «ТексолТранс» ЖШС, Атырау қаласы, С.Датов көшесі 35, 1 кенсе, тел.: 32-15-37.

Нысанның орналасқан орны: Атырау қаласы, Махамбет станциясы.

Тыңдаулар өтеді: 30.03.2023 ж. сағат 11.00-де, Атырау қаласы, С.Датов 35, 1 кенсе (конференц-зал) онлайн қосылу:

https://us04web.zoom.us/j/8613431471?pwd=UXZ5S2U0a0hHRUJZSU5YR3F3UjIQUQT09

Конференция идентификациясы: 861 343 1471
Код: 123456zoom

«Қоршаған ортаны қорғау» бөлімін әзірлеуші «ABC Engineering» ЖШС, abc_engineering@inbox.ru; 8 705 576-46-87.

Құжаттама порталда орналасқан https://ecoportal.kz/ және интернет-ресурс https://www.gov.kz/memleket/entities/atyrau-tabigat/?lang=ru

Ескертулер мен ұсыныстар қабылданады: «Атырау облысының Табиғи ресурстар және табиғат пайдалануды реттеу басқармасы» ММ, Атырау қаласы, Әйтеке би 77; atr.priroda@atyrau.gov.kz

Құрметті тауарлық газды тұтынушылар!

«ҚазТрансГаз Аймақ» АҚ Атырау өндірістік филиалы 1 қаңтардан бастап тұтынылған газ үшін қызметтерге ақы төлеу Kaspi қосымшасы арқылы қолжетімді екенін сіздердің назарларыңызға жеткізеді.

«Ломбард MODERN.KZ» ЖШС сатылып алынбаған кепілдендірілген мүлікке 2023 жылы 2 наурызда сағат 10.00-ден 13.00-ге дейін сауда-саттық ағылшындық әдісімен өткізілетін аукцион мына мекен-жай бойынша жүргізілетінін хабарлайды: Атырау қаласы, Махамбет Өтемісұлы көшесі, 116 үй, №1 кенсе; accountant@zolotoiy.kz; 8(775) 387-71-98.

Атырау облысы Қаржы басқармасы облысымыздың банк және қаржы саласында ұзақ жылдар қызмет атқарған, ұжымның зейнеткері
Досмұхамедова Райхан Жағыпарқызының дүниеден өтуіне байланысты отбасына қайғырып көңіл айтады.

АТЫРАУ

Газет 1923 жылғы сәуірдің 1-нен шыға бастады

МЕНШІК ИЕСІ:

«АТЫРАУ-АҚПАРАТ» ЖШС

Бас директор

Жасын БІРКЕНОВ

Бас редактордың міндетін атқарушы Азамат БАЗАРБАЕВ

Бас редактордың қабылдау белмесі – 45-86-43, факс – 45-85-97.

Жауапты хатшы – Д.Мұхамбеталиев – 45-84-50.
Арнаулы тілші – М.Қуанышева – 45-84-30.

Бөлімдер:
экономика, өнеркәсіп және кәсіпкерлік мәселелері: шолушы – А.Сабырова, аға тілші – Д.Аруев – 45-84-01; тілші – Б.Көкжиев, қоғамдық-саяси және әлеуметтік-мәдени мәселелер: шолушы – Г.Әмірова, аға тілші – Р.Өтеуали, тілші – Е.Қошқанды – 45-85-24; экология және құқықтық мәселелер: аға тілші – М.Оразғалиева, тілші – А.Қабдолов – 45-86-50.

фототілші – Е.Алтыбаев – 45-84-50.

Корректорлар: З.Әбілқайырова, А.Шомажанова.

Компьютер шефi:

бет құрушылар – С.Рамазанова, А.Жолдыбаева.

Іс жүргізуші: Т.Тайтекова, теруші: К.Елеусінова – 45-84-50

Газет Қазақстан Республикасы ақпарат және коммуникациялар министрлігі ақпарат комитеті мерімді баспасөз басылымын, ақпараттық агенттігін және желілік басылымды есепке қою, қайта есепке қою туралы 2018 жылғы 16 мамыр күні тіркеліп, тіркеу туралы №17097-Г куәлігі берілген.

Басылым «Құрмет белгісі» орденімен республикалық «Аманат» сыйлығымен марапатталған.

МЕКЕН-ЖАЙЫМЫЗ:
060005, Атырау қаласы, Ж.Молдағалиев көшесі, 29а үй.
Электронды пошта: e-mail: atyrau_gazeti@mail.ru



www.atyrau-akparat.kz



*Газет «Атырау» газетінің компьютер цехында теріліп, беттелді.
*«Атырау-Ақпарат» ЖШС баспаханасында басылды.

* Авторлар жарияланымындағы пікірлер редакцияның түпкілікті көзқарасы болып табылмайды. Қолжазбалар өңделеді және авторға қайтарылмайды.

● Мақалалар коммерциялық негізде басылды деген белгі.

● Жарнамалар мен хабарландырулар мазмұнына редакция жауап бермейді.

Индекс: 060005 Атқасына 2 рет шығады.
ТАРАЛЫМЫ: 6125 дана
Немірдің кезекшілері:
М.Оразғалиева, А.Қабдолов, А.Жолдыбаева, З.Әбілқайырова

Сыбайлас жемқорлыққа жол жоқ!

ҚАЗІРГІ КЕЗДЕ СЫБАЙЛАС ЖЕМҚОРЛЫҚ ӘЛЕМНІҢ КЕЗ-КЕЛГЕН ЕЛІНДЕ ОНЫҢ САЯСИ ДАМУЫНА БАЙЛАНЫССЫЗ, ОНЫҢ ІШІНДЕ ҚАЗАҚСТАНДА ДА, ӘЛЕУМЕТТІК ҚҰБЫЛЫС РЕТІНДЕ ӨМІРІН ЖАЛҒАСТЫРЫП КЕЛЕДІ, ОЛ ТЕК АУҚЫМДЫҒЫМЕН ҒАНА ЕРЕКШЕЛЕНЕДІ. СЫБАЙЛАС ЖЕМҚОРЛЫҚ ЭКОНОМИКАЛЫҚ ДАМУ ҮДЕРІСІН, НАРЫҚТЫҚ ЭКОНОМИКАНЫҢ ҚҰРЫЛУЫН, ИНВЕСТИЦИЯЛАР ТARTY ПРОЦЕСІН ТЕЖЕЙДІ. ДЕМОКРАТИЯЛЫҚ МЕМЛЕКЕТТІҢ САЯСИ ЖӘНЕ ҚОҒАМДЫҚ ИНСТИТУТТАРЫНА КЕРІ ӨСЕРІН ТИГІЗЕДІ, ЕЛДІҢ БОЛАШАҚ ДАМУЫНА ЕЛЕУЛІ ҚАУІП ТӨНДІРЕДІ. ҚАЗАҚСТАННЫҢ МЕМЛЕКЕТТІК САЯСАТЫНЫҢ НЕГІЗГІ БАСЫМДЫҚТАРЫНЫҢ БІРІ СЫБАЙЛАС ЖЕМҚОРЛЫҚПЕН КҮРЕС БОЛЫП ТАБЫЛАДЫ.

Қазақстан Республикасының «Сыбайлас жемқорлыққа қарсы күрес туралы» Заңында сыбайлас жемқорлыққа келесідей анықтама берілген: жеке түрде немесе делдалдар арқылы мүліктік игіліктерді заңсыз алу және мемлекеттік қызмет атқарушы тұлғалардың, сондай-ақ оларға теңестірілген тұлғалардың өз лауазымдық өкілеттіктері мен өкілеттеріне қатысты мүмкіндіктерін мүліктік пайда табу үшін жеке басына пайдалануы, сондай-ақ аталмыш тұлғаларға жеке және заңды тұлғалардың көрсетілген игіліктер мен жеңілдіктерді құқыққа қайшы түрде пара ұсыну жолымен сатып алуы.

Қарапайым тілмен айтатын болсақ, сыбайлас жемқорлық – қызмет дәрежесін жеке мақсатта пайдалану. Сыбайлас жемқорлықты білдіретін белгілердің бірі пара алу немесе беру болып табылады.

Қазіргі заманғы әлемде сыбайлас жемқорлықпен күресуді күшейту жұмысы үздіксіз жүргізілуде және әрдайым жетілдіру үстінде. Әлемде сыбайлас жемқорлықпен күресу механизмнің барлық елдерге тиімді болатын бірыңғай жинағы жоқ. Әрбір мемлекет қолданатын сыбайлас жемқорлықпен күресу әдістерінің жиынтығы өзгеше, ол елдің саяси және экономикалық тұрақтылығына ғана емес, сонымен қатар әдет-ғұрпы мен салт-дәстүрлеріне, діни ерекшелігі мен құқықтық мәдениет деңгейіне және аумағы бойынша алатын жеріне, халқының саны мен орналасу тығыздығына да байланысты болып келеді.

Қазақстанда экономиканы жандандыру және ауқымды әлеуметтік



түрлендіру жағдайында мемлекеттің сыбайлас жемқорлыққа қарсы бағытталған заманауи әлеуметтік-экономикалық саясатымен тығыз байланысқан бүтіндей стратегияның қажеттілігіне анық көз жеткізіліп жасақталды.

Стратегиямен белгіленген басты бағыттар мынадай: мемлекеттік қызмет саласында сыбайлас жемқорлыққа қарсы іс-қимылдарды қолдану; қоғамдық бақылау институттарын енгізу; құқық қорғау және сот орындарында сыбайлас жемқорлықтың алдын алу; жемқорлыққа қарсы мәдениет деңгейін қалыптастыру; халықаралық ынтымақтастықты дамыту.

«Ары таза азаматтың – абыройы асқақ» демекші, сыбайлас жемқорлықты жою, болдырмау үшін пара бермеуге және алмауға, паракорлықтың куәгері болған жағдайда тиісті жергілікті органдарға және ақпарат көздеріне хабар беруге шақырамын.

А.СЕЙІТОВА,
Атырау облысы бойынша Қазынашылық департаменті
басшысының орынбасары